

دائرة مخصوصه

درسعادتده باب عالی جوارنده

محل اداره :

مشرق و قلم

۱۳۲۶

اخطار :

مسلكنزه موافق آثار جديده مع المنوحيه
قبول او انور

درج ايده بين آثار اعاده او انور

ديره، فلسفه، علوم، حقوق، ادبيات و سياستنامه و باطامه كرك سياسي و كرك اجتماعي و مدني احوال و مشوره اسلاميه در تحت ايد و هفته ده بر نشر از انور.

آبونه بدلی

سنه لکی التي آیلنی

ممالک عثمانیه ایچون	۸۰	۴۰	غروش
روسیه	»	۶۰۵	۳۰۵ روبله
سائر ممالک اجنبیه	»	۱۷	۹ فرانق

صاحب و مؤسسلری :

ابوالعلا زین العابدین - ح . اشرف ادیب

تاریخ تأسیسی

۱۰ تموز ۳۲۴

درسعادتده نسخه سی ۵۰ پاره در

قیراهدن مقوا بورو ایله کوندریلیرسه سنوی

۲۰ غروش فضله آلیر

دردنجی جلد

۵ ربیع الاول ۳۲۸ پنجمه ۴ مارت ۳۲۵

عدد : ۸۰

و ملیت پرورانه کزہ تمامیلہ اشتراک ایدر و بلطفہ تعالیٰ قریباً حیز آرای
حصول اولدینی کورہ کلہ مفتخر و بختیار اولورز.

»»»

حاجی عمر (یاماوقا) افندی

جدیت و حقیقت پرستیکری مسلم جهان ارلان ژاپون قوم نجیبہ
منسوب حاجی عمر (یاماوقا) افندینک غرتہ لردہ کورولدیکی وجهلہ
ہدایت سبحانیہ . ظہر اولہرق قبول اسلام ایلہ حج شریفہ عزیمتی
وشیمدی دہ دارالخلافہ فی زیارتی اہمیتلہ تلقی ایدیلہ جک وقایع عظیمہ
اسلامیہ دندر .

ہک بسیط کی کورون بووقعہ نتیجہ اعتباریلہ اوقدر بیوک و ہم .
درکہ تاریخ اسلام ایچون یکی بردورک ؛ منور ، مسعود بردور جدید
اقبالک مقدمہ سنی تشکیل ایدر . بوبر صباح ییلدیزی درکہ آرقہ سندن
کونشک طلوعی بکلہ نیر . انتہاء و حرکت حالندہ بولونان عالم اسلام
ایچون بووقعہ ، برنعمت مخصوصہ سبحانیہ در .

بر کون کلوبدہ کلہ توحید ژاپون سہارلندہ یوکسہلمکہ
باشلار سہ او وقت مسلمانلر (لظہرہ علی الدین کلہ) سرینک
تجلیاتی کورہ رک عظیم بر حظ وجدانی ایلہ مسعود و بختیار اولہ جقلردر .
بویلہ پارلاق براستقبالک مقدمہ فلاحی تشکیل ایدن بووقعہ نک
ممکن اولدینی قدر تفصیلاتی قیدایتمک اسلام تاریخی ایچون شہسزکہ
بر خدمت ، بروجیبہ در . بناءً علیہ حاجی عمر افندینک بورادہ کی
نطقلرینی ، افکار و ملاحظاتی ، حرکاتی ضبط و تعقیب ایلہ محافظہ
وساحہ مطبوعاتہ تودیع اولہ بیلہ جک قسمندن قارئلر مزید خبردار
ایلکہ حسب المسالک کندمزی مجبور کورییورز .

حاجی عمر افندی قارداشمز اوتوزیاشرینی اکیال ایش برکنج در .
انکایز ، روس ، چین ، قورہ لسانلریلہ تکام ایدر . دہا بعض
لسانلردہ وقوفی وار . کوزلرندہ ، حالندہ ، طورندہ ہرشدن زیادہ
خلوص و صفوت قلبیہ سی اوقونور . دیندن قطع النظر حد ذاتندہ
قلبی پاک و تمیز . کندیسنی ایلک کورنلر حال و طورندن برشی آکلایہ ماز .
» صاف بر آدم « تاقی ایدر . چونکہ عمر افندی شخصہ هیچ اہمیت
ویرمز . اونک بتون دوشوندیکی ملتی ، قومی ، بردہ شیمدی
شریاب اولدینی دین مقدسی در . کندی اوفاق یاییلی ، طرزتابسی دہ
سادہ و فقط تمیز . ہلہ مزیات انسانینی مسلمات نسجیہ ارسندہ آریانلر
حاجی عمر افندین ہیچ برشی آکلایہ ماز . عمر افندی غایت متواضع ،
محبوبتپرست ، طنطنہ دن عاری عالی برووح در . اویارادیلیشدہ بعض
ذوات کندیسنہ » روح سزی پک سودی ، بونہ دن ؟ « دیہ سورہ جق
اولورسہ » چونکہ ، دییور ، بنم کی دوشنورسکیز . « عمر افندی
تکلفات مدنیہ نی سومز . اک زیادہ نفرت ایتدیکی برشی وارسہ اوروپا
حیات معاشرتی تقلیددر . » بن ، دییور ، مسلمانلردہ باشقہ بر حال
کورییورم ؛ بر حال کہ بزم احوال حیاتیہ مزہ پک ثوافق ایدر . مکہ
مکرمہ دہ ایدی برذاتہ تصادف ایتدم . البسہ سی یرتیق ، یامہ لی ؛ فقط

تمیز بر آدم . کندیسیلہ بعض شیر کوروشدکدن سوکرا نہایت بکا
دیدکی کہ : بنم البسہ مک یرتیق اولمسنہ باقہ ، قلبک صمیمیتہ
عطف نظر ایلہ ... حقیقتہ بونک روحنی پک عالی بولدم ؛ ہر درلوشوا بیدن ،
تحسبات ظلم و خیانتدن خالی ایدی . اوزمان آکلادم کہ مسلمانلر ظاہرہ
دکل ، بزم کی ، قلبہ ، روحہ اہمیت ویزیورلر . خالبوکہ اوروپا لیرک
اوشیق ، اومکلف لباس فاخرلری آلتندہ اویلہ ظلم و خیانتلہ مالی قلبلر
واردر کہ تصویری بیلہ بی تعذیب ایدر . « سادہ لک ، تمیز قلبیایک ...
ایشہ عمر افندی ایچون یکانہ مزیت ...

سوکرا بیوکلرہ قارشنی عمر افندینک حرمتی پک زیادہ در . کچن
کون جمعیت محترمہ علمیدہ ویریلن جای ضیافتندہ کی برحالی ہرکسک
نظر دقتنی جالب ایتدی . مدعو ذواتک اوکلرندہ صرم لٹش کوچک
ماصلہ لہ چایلر و تفرعاتی قونولقدن سوکرا ہرکس تناولہ باشلادی .
فقط ہمرافندی نک چایی صوغودینی حالہ بردرلو باشلامایور . » بیورکنز «
دینلرکچہ « تشکر ایدرم » مقابلہ سندہ بولنیور .

نہایت کندیسنہ تر جان واسطہ سیلہ نیچون اشتراک ایتدیکی صوریلنچہ
» بورادہ بویلہ بیوک ، محترم ذوات ایلہ برابریمدہ تأدب ایدرم ، اونلر
یدکدن سوکرا بن بیکم ... « جوانی آلتدی . بونک اوزرینہ یانندہ
بولونان بیاض صقاللی بریبر نورانی ، طرنوللی محمد افندی دایانامدی ،
او کوچک ژاپون اسلامی قوجاقلادی .

محترم آدم حرمت ایدیلہ جک شیرلی بیایر . مصطفیٰ عاصم افندینک
نطق جوابیسی اناسندہ دہ » میقادو « حضر تلرینک اسمنی ایشندی .
ہان آیائہ قالقدی ، اللرینی قاووشدیرہرق اویلہ بروضعیت احترامیہ
آلدی کہ حاضر و ن حیرتہ ، قالدیلر .

کذا نطقک ختامنی متعاقب عشر شریف اوقونمذہ باشلاندی ،
ہرکس دیز چوکدی . اوصرمدہ عمر افندینک وضعت احترامیہ سی
بتون حضاردن زیادہ ایدی .

سوکرا مصطفیٰ صبری افندینک اوقودینی عشر شریفہ (محمد
رسول اللہ) کلہ طیبہ سنی ایشندیکی زمان عمر افندینک مشہود اولان
اطوار تعظیمیہ سی ، غیر اختیاری خطوط وجہبہ سندن تحصیل ایدن
حرمتلہ ممزوج آثار محبتی متجلی بواندینی اخلاق جمیلہ فی ، علویت
روحنی افہامہ کفایت ایدر .

عمر افندینک یوزی ، قلبی کی ، دائما کولر . کولہ رک سویلر ،
کولہ رک دیکلر . بر مجلسہ کلر کلز » السلام علیکم « دیر ، ایکی ال ایلہ
ہرکسلہ مصافحہ ایدر . مسلمانلردن ، کندیسنہ ابراز ایدیلن توجہ
صمیمی لردن پک ممنون و متشکر در ، ہر نطقک ابتداسندہ بونی تذکار
ایدر .

عمر افندی ایچون کندی شخصک ہیچ اہمیتی یوقدر ، او
ہر کوردیکی معاملہ فی ملتہ ، ویکی تأسیس ایتدکری نشر اسلام جمعیتہ
قارشنی تاقی ایدر . دائما جمعیتی نامنہ سویلر . ذاتا عالم اسلامدہ کی
بوسہ یاحتی جمعیتک تنسیبیلہ در . ہر کونکی وقایعدن تلغرافلہ جمعیتی
خبردار ایدر ، واورادن آلدینی تعلیماتہ توفیق حرکت ایلر .

پاك، تمیز، اسلامیته مشتاق بر قلب، شرقی قالمغه بیوک بر عزم مشهود اولیور. شیمدیلک برایکی نطقنی وانلردقارشی ویریان جواباری عیناً درج ایله اکتفا ایدلم، آتیا صرعه سی کلنجه بوبابده دها زیاده معلومات ویریرز.



شهر رسیع الاولک برنجی کونی جمعیت محترمه علمیه نك دیرکله آره سنده کی قلوبنده ویریان جای ضیافتی متعاقب عمرافندی قالدی، سالون قابوسی یانسه کیده رک حاضر و نه قارشی بر وضعیت خطیبانه آلدی، انگلیزجه ایراد نطقه باشلادی:

« عالم اسلامده کوردیکم بوتوجه و محبتله قارشی تشکر ایچون سوز بولمام. بن بوتوجهلری شخصمه دکل، ملتله، جمعیتله قارشی تلیق ایدرم. بناء علیه ملت، جمعیت ناهنه سزه عرض تشکرات ایلرم... »

پارچه پارچه نطقنی ایراد ایدر، سویلرکن برقاج آدیم ایلرلر، کله رک بتون قوتنی محافظه ایدرک، سستی بعضاً خفیفه شدیریر، بعضاً شدت ویره رک اوضاع و اطوار مخصوصه خطیبانه ایله برقاج فقره سویلر، ترجمه اولنورکن ینه کری چکیلرک الاینی قاووشدیره رق اوکنه باقار. کمال احترامله ترجمانک سوزینی بتیرمسنی بکله. انقطاعه اوغرامقسزین ایراد نطق ایتمدیکی زمان دها زیاده غلبانه کلیر، دها زیاده دقایق خطابت اظهار ایدر، سامهینی دها زیاده جذب ایدر.

« طن ایدرم که حج شریفه کیتدیکمدن بحث ایتمکه حاجت یوقدر، عثمانی غزته لری بوبابده نشریاتده بولوندیله. سزه ژاپونیا نك احوال اجتماعیه و دینییه سینه دائر بعض شیلر عرض ایتمک ایسته یورم.

بیلورسکز که ۴۳ سنه دیری، یعنی قید اسارتدن قورتولدینی زماندیری ژاپونیا دایما ایلر و له مکه وقف مساعی ایدیور والآن ده بتون جهد و مساعیم مدنیت حاضر نك این جهتلرینی ژاپونیا ده تطبیق ایتمک در.

او وقت بزم مدنیت حاضرده قارشی اولان بوتایلرزی کورن اوروپا اقوامندن پورتکیز لیلر بزه برچوق میسیونرلر کوندردیلر. ابتدای اولوندی که بومیسسیونرلر ملتله یکی بروج، یکی بر حیات ویره جکله. فقط بر مدت کچوبده بوتخملر فیلز لیمکه باشلا بجه رجال ملتله کوردیلر که بونک نتیجه سی وخیم. چونکه اهالیزک احوال روحیه سی دکیشمکه، تحف بر شکل آلفه باشلادی. اگر بودوام ایده جک اولورسه بزم ملتله، شجاعتله، دها برچوق اوصاف مخصوصه قومیه من مو اوله جقدر... بومیسسیونرلرک (دین) نامنه کتیردکاری شی بزم هیئت اجتماعیه من، حیات و بقای ملتله منافی و مضر. صوکر ا دیکر طرفدن بوکلن آدمار پاره واسطه سیله مملکتله زده انتریکله چویرمهک باشلادیلر. نهایت آکلاشدی که بونلر برطاقم منافع شخصیه و مادیه تعقیب ایچون بورایه کلشله. بزم ترقیمیزی آرزوایتیورلر، بزه بر حیات نوبخش ایتمک ایچون دکل، بلکه بزم ملتله من مو ایدرک بزی کندیلرینه اسیرایتمک ایچون کلشله... اونک اوزرینه حکومت ژاپونیا ده کی میسیونرلر تهلکه سی ازاله ایده جک اسبابه توسل ایتمی. کوسترین شدت میسیونرلرک برمدتجک اولسون تهاجی طور دیردی.

صوکر ا - بوندن ۴۰ سنه اول - بزه معلومات کز اولان انقلاب وجوده کلدی. مملکتله زده سربستی و حریت تمامیه تقرر ایتمی. بونک اوزرینه ینه میسیونرلر کلکه باشلادی. بومیسسیونرلر پک چوق چالیشدیله: لکن متفکریمز، تحصیل کورن طبقات منوره من بونلرله هیچ بر زمان روی ماماش کوسترمدی، اصلا اهمیت ویرمدی. مع هذا بز کرک ادیان موجوده یی، کرک مدنیت حاضرده تدقیقندن برآن خالی قالمادق. هر طرفه کوندردیکم آدمار احوال حاضره اجتماعیه حقه من، دینلر حقه من تدقیقاند بولنیورلردی.

عمر افندی سزی تدقیق ایتمکدن، آکلادقدن صوکر ا اوله برطاقم حقایق سیاسییه دن بحث ایتمکه باشلار که شو کوچک آدجغزک بویه بیوک دوشو مننه حیرت ایدرسکز.

موفقیاتلرینی هیچ قاله آلماز، سوزلری، دوشونجیلری هپاستقباله عأدد. « موفقیاتلریندن هیچ بحث ایتمورسکز... » دینلیدیکی زمان، بر تلاش و خشیته « آمان، بن بونی دوشو ونورده ماذالاله صوکر ا کندمه برغرور کلیرسه آراتق بن ایچون یاشامق ممکن اولماز » جوابیه حسیات مغرورانده دن تحاشیده بولور.

حتی غریب بروقه حکایه ایتمی. آمریکا دونمائی ژاپون لیمانلرینی زیارت ایتمدیکی زمان ژاپونر رجال بحریه سی اولنری تدقیق ایدرک برراپور نشر ایتمشله، دیمشله که: « انگلیز و آمریکا دونمالری متفقاً ژاپون اطهرینه هجوم ایتمه لر ژاپون دونمائی مدافعه یه مقتدردر » بونک اوزرینه ژاپونلری برکدر استیلا ایش، بوزاپورک نشری ژاپونلر اوزرنده این برتأثیر حاصل ایتمه مش.

سببی صور دیغمز زمان دیدی که: « بابوراپوردن ژاپونلره غرور کلیرسه... صوکر ا مو اولدیغمز کوندله. برملله غرور کلانچ اومت آراتق یاشاماز، مو اولور... » بونک اوزرینه مجلسده بولونان شهیندر زاده فلهلی حلمی بکله کریدلی معلم محمد عزیز بک تقدیر آمیز نظر لرله بربرینه باقیشدیلر.

ینه برکون هندستان طرفلرنده برانگلیزله مکالمه سی تصور ایتمی. انگلیز، کندی اسمانک فلان فلان محلمرده کثرت انتشارندن « متکبرانه » بحث ایتمش. بوتفاخر بزم کوچک مسلمان ژاپون قارداشمزه طوقونور، بوکا قارشی اوله بر جواب ویرر که مخاطبی متدهش، مهوت اولوب قالر.

عمر افندی سیاستدن بجه باشلادی می ماصه اوزرینه بتون دنیانک، بتون دونلرک خریطه سی چیزمه یه باشلار. سوز آراسنده اناطولیده (اکین) کبی کوچک برشهردن بحث ایدرسکز، اورانک کوزل بانچه لری اولدیغی سزه سویلر. موازنه دولیدی موضوع بحث ایده جک اولورسکز، یاریم عصر صوکر ا عموم کره ارضک موازنه دولیه سی سزه نشریح ایدر. یالکز ایش، عمر افندی یی سوبله بیامکدر. سوزلری مخاطبک سویه سینه کوره در. « لکل مقام مقال » دستورینه درجه رعایتی مختلف مجلسلرده کی موضوع بحثلریله، سوزلریله اکلاشیمشدر.

مسلمانلردن یالکز بر شکایتی وارد: کوردکاری کبی قالمش اولملری. « این بر حقیقتی، کوزل بر شیئی ایاریلملی » دییور. بعض دقایق اصلیه اسلامیه کندیسینه تفهیم اولوندینی زمان اوقدر خوشنه کیدر که یوزینی درحال آثار بباشت قاپلار، کوله رک باشی صالار. بروسه مبعوثی طاهر بک افندی ایله اولان مصاحبه نك طادی دماغنده قالدی. المار صاحبی شیخ رشید رضا افندی نك نور عثمانیه قلوبنده ایراد ایتمدیکی نطقک ژاپونیا ده نشری ایچون اصلانی ایستدی.

حاصلی عمر افندی قارداشمزده بیوک برذکا و درایتله برابر

بزم مدنیت حاضردهن آلدیغمز شیلر یالکیز ایی جهتلردر. هر نه قدر پاره ایچون بعض فقرامز میسیونرلرک کتیردیکی دینی قبول ایتش ایسه ده بوده حقیق برقبول صایلماز. چونکه دین بر غداى معنوی در، احتیاج مایدن زیاده احتیاج معنوی بی تأمین ایدر. بزم احتیاج معنوی تظمین ایده جک برشی لازمدی. اولیه برشی که بزم حیات معنویه منری جید، زنده برصونده یاشاتسون. بزم معنویاتمنی اولدورمسون. بزم روحلرمنه تازه وابدی برحیات ویرسون. هم بوکا احتیاج شدیددر.

چونکه رجال دولتر، اکابر امتن عوامک مدنیت حاضرده قارشى اولان تمایلاتدن اندیشناک بولونیورلر. ماتى بومرضدن، اورویای تقلید مرضندن قورتارمق ایچون خیلی زماندنبری برچاره دوشنیورلر. نه کبی برعلاج، نه کبی بردوا اوله بیلیرک بزی بومرضه مصاب اولقدن رهایاب ایلسون؟ ایشته عزیز قارداشلرم، ژاپون ارباب بصیرتی قطعاً حکم ایتدی که بوعلاج، بودوا یالکیز «طوغرو بر دین» دن عبارتدر. بزم ایچون بولکه بتون ملنلر ایچون باشقه چاره فلاح یوقدر. چونکه دینی اولمایان برملت دوام ایده من.

برکره بوتقرر ایتدکدن صوکر ایکنجی بر جهت تدقیقه باشلاندی: یکی، بزم بردین لازم. فقط هانکی دین؟ ادیان موجوده ایچنده الک طوغرو، الک صاغلام، فطرت بشره الک، موافق بردین هانکیسی در؟ دیه دوشونمکه باشلادق. تدقیقات اجرا ایده ایده نهایت قرار ویردک که ملتیزک حیانتیه الک موافق کلن بردین وارسه اوده دین جلیل اسلامدر.

نه دن دین اسلام ژاپونیا لیلر ایچون الک موافق بر دین در؟ چونکه بودین عالینک احکام اساسیه سی، حقایق اصلیه سی، وبواسلام امتنک تاریخی، صفحات مختلفه ماضیه سی بزم حیاتمه یک او یغون دوشر. چونکه بزم الک سوکیلی من اولان میقادو حضرتلری واحد حقیق اولان الله عظیم الشانه سجده ایدیور. نه بودیلکی، نه قونفوجیوسیزی، نه ده خرستیانیلی بکنمیور. بزم سرتاج مفخرتمز معظم پادشاهنر میقادو حضرتلری بر اولان الله حمد و ثنا ایدر.

الحمد لله... [عینیه بولکه طیبیه تلفظ ایلدی] شمیدی بن شرف اسلام ایله مشرف اولدم. بتون موجودیتده، بتون قلبمده نور اسلامیت لمعان ایدیور. لازم کلن تدقیقاتی ده ایفا ایتدم. شمیدی ان شاء الله ژاپونیا یه کیدر کیتمز قلممه سوزمه، بتون غیرت وقوتله، نشر اسلامه چالیشه جنم. [الفیشلر] میقادو حضرتلری مملکتده نشر اولونان بتون کتابلری وغرتهلری کال دقتله تعقیب ایدیور. شبهه سز بنم یازدیغم شیلری ده اوقویه جقدر. حقیقت حالی اکلا نیجه رسماً بودین هالی بی قبول ایده جکدر. برکره میقادو (لا اله الا الله محمد رسول الله) دیدیمی بتون ژاپون خلقی اونی تعقیب ایده جکدر. چونکه بتون ملت اونی یک زیاده سوره اوقدر حرمت واطاعت ایدر لکه میقادو حضرتلرینک هر سوزی ژاپونیا ده فوق البشر بر سوز کبی تلقی اولنور.

ایشته بزم معنویاتمنی تهذیب ایده جک، اخلاقزی، ملیتمزی حیاتمنی، بقامری، حاصلی مادی وابدی سعادتمنی تأمین ایده جک چاره بی دین اسلامدن باشقه هیچ بر دینده، هیچ برشیده کورده مه یز. اگر شمیدی یه قدر مسلمانلردن بعض فداکارلر چیقدرق تا ژاپونیا یه قدر اختیار زحمتله کلوب بالفعل نشر اسلامه تشبث ایتسه لردی دها چوقدن اسلامیت اورالرده تمامیه انتشار ایدردی.

مع التأسف شمیدی یه قدر جانی، مساعیسی بو اوغورده صرف ایدن ذوات کورونمدی. ژاپونیا ده برچوق ذوات وارکه سزک موقع جغرافیکزی، عنعنات تاریخیه کزی تدقیق ایتشلر، ضووک درجه ایی بیلورلر. بویه ایکن آره منده تأسیس مناسبات ایدیه مه سی ایشته اوراده بودین جلیلی نشره چالیشه جق بر عنصر بولونما سندن ایلرو کلیوردی. فقط مادام که شمیدی اوراده صرف بو اوغورده چالیشه جق بر عنصر کسب موجودیت ایتدی، ارتق ان شاء الله عن قریب ارامنده کی مناسبات یک قوی برصورتده تأسیس ایده جکدر.

اسلامیت سعادت بشریه بی تأمین ایدر، سمیی امر ایدر. چالشلی بز، روی ارضده صلح و مسالمتی تأسیس ایتلی بز، انسانلر راحت راحت یاشاسونلر، بز اگر راجت یاشامق، ظلمدن قورتولمق ایسترسه ک بودین مقدسک روابطله قلباً بربرمنه باغلانهرق ال برلکیله چالشلی بز. وقتاکه بتون آسیا افواى

بویه جدی، اساسلی بر رابطه ایله اتحاد ایده جکدر، او وقت بتون جهاندن قورقورلری اولایه جقدر، او وقت صلح و مسالمت ایچریسنده کال امن و آسایشله یاشایه جفز. او وقت کال استراحت ایله اوامر دینی منری ایفا ایده جکز، او وقت دین جلیلمزی کال افتخارله سائر اقوامده نشر ایده جکز.

ایشته ژاپونیا ده کی آسیا جمعیتنک برنجی و صووک ارزوسی بودر. بن جوق بختیار، جوق ممنون و متشکرم که بوسیا حتمده هر پرده بوقدر توجهرله مظهر اولدم، بالخاصه بو محترم جمعیت طرفندن بوقدر حسن توجه والفتات کوردم. مملکتمه کیدنجه بتون ملتیه بونی بیلد بره جکم. یالکیز سزدن شونی رجا ایده جکم که ژاپونیا ده کی اسلام قارداشلر یکزی هیچ بر زمان دعادن اونوتما یه سکز. [یاشاسون مسلمانلر]

شیمیدی وداًما جناب حقندن تمنی ایدرم که عمرکز اوزون، وجودکز زنده، مملکتکز پایدار وقوتلی اولسون. (آلفیشلر)



مصطفی عاصم افندی حضرتلری جواباً نطق آتی بی ایرادیوردی: «نطق عالیملر یکزی کال تشکر و ممنونیتله دیکلدک. نطق ایتدالرنده لطفاً ژاپونیا نک تاریخ حیاتمنی بزم اجمال ایتش اولدیکز. بر جوق جلدلر قاریشیدر مقله طویلا یه میه جغمز معلوماتک خلاصه سی آلدق. بوکا تشکرلر ایدرز.

ژاپونیا ده اوتهدنبری جاری اولان دینلری برطرف ایدرک خرستیانیلی نشر ایتک اوزره برطاق میسیونرلر کلدک اهالی یه تشویق ایده بولوندیغی وبالنقیجه حکومتک بونی منعه مجبور قالدیغی ایضاح بیوردیکز. دینلر اساساً انسانلر ایچون لازم اولان خصایصدنر. فقط اوتهدنبری قبول ایتدیکی اساسه مغایر یکی بر مؤسسه بی دفع ایتک البته سیاست حکومته موافق در، و حکومتک حق در. بر جمعیت محافظه ایتدیکی بر فکردن دیکره آنلار، فقط اراده بروجه رجحان بولنلیدر.

ایشته اسلامیت بورججانی حائزدر. اسلامیت فکری بر فکر مستقیمدر. علوی اساسلره مستنددر. هر هانکی شخص، هر هانکی جمعیت، هر هانکی قوم بولوندیغی اعتقاداتدن تجرد ایدرک بویه اساسات علویه بی حاوی بر دینی قبولده حقلی در، و بوکا محتاج در. قبول ایچون ظاهراً برفدا کارلری یالپلر سه بویه معنوی موفیقی یک بیوکدر. سعادت دنیویه دن باشقه سعادت اخرویه بی ده تأمین ایدر. بناءً علیه ژاپون کبی حقیقت بین بر قومک اسلامیتی قبول ایده. جکریته امیدم بر کالدر.

دینک بر رابطه مهمه اولدیغی ایضاح بیوردیکز. اوت جهانده بنی بشری بر برینه زبط ایچون یک جوق روابط موجوددر: لسان بر رابطه در، قومیت بر رابطه در، نسب بر رابطه در. فقط بونلر حدود طبیعییه ایله محدوددر. انسان بو حدوددن طیشاری چیقه ماز، انجق دینک حدودی یوقدر، اونک حدودی آکا سالک اولان افراد بشرک، امتک اولابایده صرف ایده جکری همت ایله متناسبدر. اسلامیت الجزیره دن ظهور ایتشددر. فقط ۲۵ سنه صوکر اوقطعه اودینه کفایت ایتمه شددر، جهانک بتون قطعاتنه انتشار ایتشددر و حدود طبیعییه محکوم اولما شددر. بوسرعت انتشار و توسع، اذهانک کال سهولتله قبولنه مساعد بر دین اولسندن ایلری کلشدر. البته افکار عالیه بونی قبول و بوکا خدمت ایده جکدر.

دینک سیاست ملیه ده یک زیاده اجرای نفوذ ایتدیکی بیورولدی. یک طوغرودر. حتی اوروپا ده منسوب اولدقلری دینک بطلاننی ادعا ایدن بر جوق حکما، افراد آراستنده کی روابطی محافظه ایچون رسماً او دینلرده قالمه بی مملکتک سیاستنه موافق کورمشلردر.

دین اسلام جهانک معلومی اولدیغی اوزره ادیان سائره یه مقیس دکلدر. موجود ادیانک بر قسمی اساساً سماوی دکلدر، بر قسمی ده سماوی اولمقله برابر مفسوخ ومنسوخدر. دین اسلام سعادت دنیویه و اخرویه بی تأمیننه مدار بر دین جلیلدر. دین اسلامی اکلامق ایچون اوامر و احکامنی تدقیق کافی در. دین اسلام نه امر ایدیور؟ وحدانیت الهیه و رسالت محمدیه بی تصدیق،

کله « آیت کریمه سنی او قودیلر. بونک اوزرینه بغداد علمای بنامندن شیخ سعید افندی طرفندن بر دعای بلیغ قرائت اولونه رق مجلس مسکی الحتام اولدی .



طبعات سریه:

اصابت

نامیه روسیه ده دین اسلام علمینده نشر اولان بر اثر محررینک

اعتراف تصور رنوبه می

« شوموک کونلرده بتون تاتار عالی صارصان وقایع غریبه و مشهوره دن اولق اوزره ، برامام طرفندن ، دو قنور عبده جودت بکک تحسین و تقدیر لرله ترجمه ایتمیکی معهود تاریخ اسلامیتدن عقیده مقدسه اسلامیت علمینده اسنادات و مفتریات حاوی « اصابت » عنوانیه بر اثر نشر ایتمیکی معلومدر . بواثر اورته لنی آلت اوست ایتمدی ، بتون مسلمانلر غلیانه کادی . چونکه بو کتابک اغراض مخصوصه یه تبعاً مرتب بریلان دائره سند اسلامک معنویات و وجدانه هجوم اولدینی هر کسک نظرند تحققیق ایتمیشیدی .

اساساً بویه شیلردن ، دائماً خیت و خسرانه محکوم بویه تهاجلردن اسلامیتک پرواسی یوقدر ؛ اونک حقایق مقدسه سنی تقدیر ایله حرز جان ایده جک ملیونلرجه قلوب موحد موجوددر ؛ ثروته ، ذوق و صفایه منهمک بیر منافع ماده دوشکونی ، اصالت ملیه دن محروم اوج بش بینسز . اقوال کستاخانه و متجاسرانه ده بولنورلرسه بریده جدیت و دهالری مشهور جهان اولان اصیل ، نجیب بر قومک اکابری اکا توجه کوستریور ، اونک علویت و قدسیتی ، اونک شرفیاب اولقدن متحصل انشراح قلب و وجدانی کمال فخر و ابتهاج ایله اعلان اییدیور ...

بویه اولقله برابر اودین جلیک سالکینی دام مکیدت و مفسدته وضع موجودیت ایتمه یی ده شانلرینه صیغیرمه مالز ، بونی حس ایتمه مان اوپور کبی کورونن اوکتله نجه بر فوران مدهشله غلیانه کلیر ، اوجرات منافقانه ک ماہیتی اورته ی قویه رق قیلرند حیت دینی و غیرت اسلامیه ک موجودیتی اثبات ایدرلر .

ایشته اوامرک نشرینی متعاقب مسلمانلرک غلیانی بومقصده مبنی اییدی . مطبوعاتک اوزون اوزادی یه مناقشه سی اوزرینه نہایت اثرک ماہیتی میدانہ چیقیدی . اوفاده کی مسلمان مفتیسی بوکتابی هانکی منبعدن الدینی ونه کبی بر مقصدله تحریر و نشر ایتمیکی محررین استیضاح ایلیدی . محررده کستاخلقنک درجه شاعتی حس ایله ندامت ایدرک اوف مفتیسنه شو اعتذارنامه یی تقدیم ایتمشدر :

« بنم طرفدن یازیلان « اصابت » نام کتسابک بر جوق جهتدن خطا و غلط و افکار عمومیہ ایچون ضررلی اولدینی اظهار ایتمدی . بک جوق مسلمانلر بوکتابک مندرجاتیه رنجیده خاطر اولدیلر .

بناءً علیه بن بوکتابی یازوب نشر ایتمدیکمه بتون موجودیتله تأسف ایدرک کمال اخلاص ایله توبه ایلدورم ؛ بتون خطیئات و خلاف ادب سوزلرمی کری آلیورم . کتابچینک النده قالان نسخه لری ده کندی حسابمه آلوب محو ایده جکم ؛ واولجه نشر اولونه جغنی بیان ایتمدیکم دیگر قسملرینی ده یاقدم . النده (اصابت) نسخه لری بولونان ذواتدن ، دین جلیل اسلام حرمتنه ، اولری محو ایتمه لری و یا آلدق لری فیئسات ایله لاجل الاحراق بکا اعاده ایتملرینی رجا ایدرم . بوجرات و کستاخلقمن طولای کمال تواضع و خلوص قلب ایله مغفرت سبحانیه

ظلمدن مجانبت ، مکارم اخلاقیه یه تشبث . دلیل خارجی یه مطلع اولماسه بیله بولری تدقیق ایله انسان ، اسلامیتک دین الی اولدیغه حکم ایدر . ژاپونیا ک حریت احرازندن سوکرا بر باشقه ترقی یه طوغرو یوزطوتدینی بیان بیورلیدی . بو ، غایت طوغرودر . فعلنده ، قولنده ، حتی افکار و تصوراتنده غیره محکوم افراد بشریه ده نه کبی موقیقات تصور اولونه بیلیر ؟

هرهانکی بر امت افکارنده ، تصوراتنده سربست اولورسه اولمئنده ، آثار ترقی مشاهده اولونمسی طبیعی در . فقط انسانلرک خلقتاً و بر موهبه قدرت اولرق احسان اولونان شو منیتلره مالک حکومتلر میاننده برنجیسی اسلام اولدینی تاریخاً ثابت در .

دین اسلامک احکامی آکلامی ایچون اجرا آخی تدقیقه مجبور اولدیغمن حکومات اسلامیه ک برنجیسی خلقای راشدین دوری در . بعض حکوماتک دین مبدنک احکامی اجرا ایتمه مش اولسی دینه برلکه دیه قبول اولوناملی در . او معامله اولنرک شخصنه عائددر . بناءً علیه مثالی دور راشدیندن عرض ایده جکم .

اسلامده سابقین اولین یاد اولونان بر طاقم ذوات مبعله وارددر . ایلک اسلامیتی قبول ایدنلر ۴۰ کشی اییدی . بولر برنجی قافله یی تشکیل ایتمش و بوجه تله مدیحه رسول الله نائل اولمشلردی . شمده یو عصرده ده بونک اوفاجی بر مثالی کوربیورز ، که اوده ژاپونیا ده (۲۵) ه بالغ اولان بو عصرک سابقین اولینی در .

سابقین اولینک ۴۰ نجی سی اولان عمر الفاروق رضی الله عنه حضرتلری اسلامیتی قبول ایتمکدن ۲۵ سنه سوکرا مقام خلافت ککش و ۴۰ میلیون مسلمانده حکم ایتمشیدی .

بوایکنجی خلیفه مصر و سوریه یی فتح ایتمیکی وقت اهالی قدیمه سی اسلامیتک بتون عناصره بخش ایتمیکی حریتی کوره رک یکی حکومت اسلامیه یی آلفیشلرله قبول ایتمشدر . ایشته اسلامک بر تاریخ ۱۰۰۰

انهای سیاحتده مسلمانلرک ابدال ایلمیکی توجهلردن متشکرانه بحث اولنور . یولجی یه حرمت و ابراز توجه دین جلیلمزک وصایای عالیه سندن در . اسلاملر هر یولجی یه وبالخاصه اسلامه خدمت ایدنلر حرمت ایتمک دیناً بورجی درلر . بونی دینک اواصری اولق اوزره ایفا ایتمشدر . بوکا مقابل تشکر دکل ، یالکز جناب حقندن ثواب و عنایت بکلرلر .

پیغمبر من صلی اه علیه وسلم افندمن حضرتلرینک سیر جلیله لرنده مصرح اولان مسائلدنر : کندیلری مسافرله احترام ایدر و هر قومک مکرم اولاندینی ایرجه تلطیف ایلردی .

قارشومزده کی مسافر من ایسه کندی ابناء دیغزدن در ، دین اسلامه خدمت ایتمش ودها بر جوق خدمت ده وعد بیورویورلر . بویه مبعجل بر مسلمانن سلاملره آلفشلا ، اجمال ایدرز . بونی بر وظیفه دینی اولرق ایفا ایتمدیکمزدن طولای جناب حقندن ثواب بکلرز .

میقادو حضرتلرینک اهل توحید اولمئندن و ژاپونیا ک حریات وجدانیه یه مداخله ایتمیه رک دائماً بر حقیقته متایل بولونمئندن و آتیا کله شهادتی اتیانی مأمول و بونک نتیجه سی اولرق اسلامیتک ژاپونیا ده واسع بر صورتده توسع وانتشارندن بک ممنون اولدق . میقادو حضرتلرینک هدایت بولمئنه وشوکتک تعالیسنه دعا لایدرز .

ژاپونیا ده و جهانک قطعات سائره سند بولونان بتون انهای اسلامک ، اهل توحیدک کوندن کونه مظهر ترقی اولسی و آره نرنده هر درلو نقا ک ، سوء فکریک بر طرف اولرق قلباً بر اتحاد متینه موفق اولملرینی جناب حقندن تنی ایدر ، و بونک قبولی ایچون پیغمبر من صلی اه علیه وسلم افندمن حضرتلرینه صلات و سلام اتخافیه استرحام ایدرز . « اللهم صلی علی محمد و علی ال محمد ... »

نطقلری متعاقب عشر شریفلر قرائتنه باشلاندی . حافظ ابراهیم افندی « والفجر ... » سورة جلیله سنی ، شوکت افندی « ام حسبتم ان تدخلوا الجنة ولما يعلم الله الذين ... » عشر شریفی ، مصطفی صبری افندی ده « هو الذی ارسل رسوله بالهدی و دین الحق لیظهره علی الدین